

【八板南音板面】（白：話說漢室末年，國祚日衰，曹操繼董卓，脅天子以令諸侯；劉備結關張，訪臥龍孔明先生而圖帝業，時維建安十二年呀。曹操率大軍南下，沿河備兵，劉備攜民渡江，曹兵枕漢水之要津，孫權呢，據東吳之險地，赤壁戰雲密布。呀！長江暗翻惡浪，呢一場大戰究竟如何展開，請聽我一道來呀。）

【南音】 艤艘千艘，百萬貔貅：。曹兵鎖斷漢江流 8

傳檄到東吳，勸佢莫作龍虎鬥，

喂，不若共擒劉備，我哋分佔荊州：。

孫權接信一讀，咁就雙眉皺，

召集文武大臣，共議良謀 8

【中板】 啲啲文官主和，武將主鬥，

一個係磨拳擦掌，一個擺腦不休。

阿魯肅呢在旁，不置可否，

佢暗諫阿孫權，莫向曹操低頭 8

阿劉備佢在荊襄曾敗走，

當知曹兵虛實，是劣還優。（白：咁啦。）

待我親自過江來問候，向劉備問候，

睇吓是否共同擒虎咯，抑或助虎捉劉 8

諸葛孔明陪左右，勸慰皇叔，莫耽愁。
 佢話承皇你三顧草蘆，恩義厚，
 我孔明此生要盡瘁鞠躬，死方休呢。
 主上呀，一時勝敗兵家事常有嘅，
 他日三分天下，志可酬。
 不意欲抗曹操呢，須與東吳聯手，
 我哋從中取利，可以據荊州。
 嗱說服阿孫權，我有蘇秦口，
 我願隨魯子敬去見孫仲謀。
 我哋要分敵友，

〔乙反〕 嗰個劉玄德自從兵敗後，佢投奔江夏暫棲勾。
 〔慢板〕
 〔中腔〕
 〔靜收〕

（白：孫仲謀即係孫權吖嗎！）

（白：好啦，且說孫權個邊，佢同將軍周瑜知道曹軍大軍壓境，哎呀，立即趕至柴桑，孫權與百官齊來議計呀。周瑜呀，主張一戰，不願事曹，正在此時，聞報魯肅引薦孔明，過嚟拜會商量係咪合作，擒曹操嘞，當下派遣周公瑾相迎。周瑜下禮呀！）

【禿唱正線】

一個是人中英彥，一個係天上謫仙：

周瑜係東吳嘅名將，佢文武雙全。

孔明係南山臥龍，胸藏萬卷，

佢哋奇才相遇，施展舌劍唇鞭：

周公瑾安邦不讓、不讓張良智，

孔明助漢主，亦有姜尚、姜尚賢。

【中板】

素仰諸葛先生你神機妙算，

請問有何良策，可攻堅。（白：唔！不敢當。）

哦，辱承下問，我自慚淺見，（白：不如咁哩。）

將軍你一語定亡存。（白：非也非也。）

我周公瑾一向主和不主戰，

為保東吳好山川。（白：主和呀你，哈哈！）

個陣孔明大笑、笑到頭上綸巾顫，（白：吓！笑咩呀。）

周瑜佢又詐怒，睜得眼睜圓。【靜收】

哎呀難怪將軍你聽到頻按劍，
 話句個猖狂曹賊，真係色膽包天。
 我實不知阿小喬係將軍你嘅寶眷㗎，
 剛才我冒犯咯，請恕失言。

(白：哼，曹操真係衰啦。)
 【流水】丈夫報國頭可斷，豈受曹瞞任宰煎。
 我周瑜早有請纓願，三軍秣馬枕戈眠。
 喂我哋不若聯手破曹同作戰，替漢室除害共比肩呢。
 (白：好呀。) 嗰陣周瑜孔明舉杯同立願，
 【慢板】諸葛搖羽扇，可憐魯肅，冷汗抹不完。
 【腔】

【靜收】

（白：咁呀又到個邊曹操點樣計劃對付呢邊東吳與呢個劉備呢啊。吓，話說曹操欲破東吳，惟是忌憚周瑜嘅利害，曹營中有一個幕僚，即係個啲蠶蟲師爺，姓蔣名幹，字子驥，與周瑜呢，自幼同一間小學，自幼相交，一個考第一，一個考第尾。咁佢向曹操誇言，話可說服周瑜歸順，曹操聽罷大喜啦，好！就命你過江而去，靜雞雞去見周瑜，說佢嚟到降服我曹某。究竟此行是否成功，請聽下文呀。）

L L L

【正線南音短序】

【中板】周公瑾，會同窗。

佢深明蔣驥嘅來意，早有關防。

（白：哈！說我投降係嗎，好！。）

周瑜練列兵、列隊迎蔣幹，甲冑鮮明錦衣裝。

（白：蔣兄，）

你自曹營而來，來過訪，喂，此行莫非勸我歸降。

（白：唔係、唔會、無，唔好意思比佢猜中呀。）

蔣幹聞言，忙否認，喂！阿賢弟你多疑，實不該。

我不過係心念故人，所以來相訪，

我哋不談國事，不論興亡。

（白：周瑜就諗啦，哈，不談國事，我哋依家敵對啲嗎

你坐船仔過嚟相訪，我梗係大事迎接你啦，如果唔係，話
 我私通你哋曹操啲下人，係嗎。
 我諗都諗到你係過嚟勸我歸降㗎。好，歸降我就唔降啦，
 我哋呢道曾經有兩個將軍呢，就降咗去曹操嘅，依家幫你
 訓練緊水兵。等我整蠱、詐諦當呢兩個將軍，嗰位張某，
 同嗰個蔡某，話佢哋降咗去曹操，其實重暗通消息返來比
 我，有信返來話要約我哋去攻曹操，然後我詐醉，呢一封
 信就詐諦等比阿蔣幹你偷到，咁你返去報告，豈不是你就
 叫曹操殺咗佢兩個降將。好！等我飲酒先。
 吓！周瑜話，哦，不談國事係嗎，好、好！
 今日難得與故人同歡暢，拋下控德戎馬我哋醉千觴。
 我哋休談國事，（白：各位。）同歡暢，
 有違此令者，（白：太史卿，將佢斬咗佢。）
 有違此令，教他劍下亡。
 嗰陣三尺龍泉如雪亮，攪到嗰個蔣幹當堂，坐立嘅不安。
 周瑜舉杯，頻勸飲，更留好友共宿在營房。
 嗰陣公瑾飲到沉沉、沉沉大醉，（白：不過係詐醉咋。）
 子驥訓唔著，惴惴不安。
 終宵難寐，難合眼，輾轉反側暗傍惶。
 （白：死啦，又唔敢開口叫佢投降㗎，吓，燭光之下，）
 又見一疊文書擺在案，
 （白：等我靜雞雞是但搵啲嘢睇吓，探吓軍情都好呀。）
 我欲探軍情搜索看。（白：嘍！嘩！。）

呢一度係有一封書信，（白：哎呀！）
 係阿蔡瑁、張允寄返黎㗎嗎，
 佢哋二人要暗害我哋曹丞相，
 哼！原來蔡瑁、張允兩個立了壞心腸。
 嗰陣蔣幹偷偷回頭望，【鼻鼾聲】
 嘩只見周瑜打猛鼻鼾，入了黑甜鄉。
 佢夢裏猶呼，（白：詐諦叫，誅曹賊呀！嘩，訓未醒呀。）
 嚇得蔣幹快把文書在袖中藏。
 （白：哎呀！我都唔好訓咯，不如依家走吧啦。）
 明朝若被周瑜發覺呢，一定難饒諒，
 哎呀，等我走為上計啦，免遭殃。
 佢就蛇行鼠伏，出營帳，披星戴月，渡歸航。
 （白：哈哈。）阿周瑜，借刀殺人，要除降將，
 佢偽造呢封書函騙同窗。
 呢個不知利害嘅愚蔣幹，愚蔣幹，
 【慢板】佢勸降不遂，反冤降：8
 【靜收】
 （白：佢都傻嘅，咁容易啲文書唔鎖喺夾萬，比你偷到，
 係嗎？曹營嚟㗎囉。又有蛇行鼠步又走得甩嘅，梗係周瑜，
 吩咐外面啲嘅兵丁，見到蔣幹經過都詐諦巡營睇佢唔到，

赤壁風雲〔唐健垣唱〕(錄音：唐健垣 南音 2 火燒赤壁 CD)

曲詞及叮板譜由「南音欣賞網」(<http://naamyam.tsuenhead.org>) 提供，未經演唱者過目，內容可能有錯漏。

岸邊嘅艇又任佢要邊隻快艇就偷邊隻，等佢返過曹營㗎啦。
 邊有咁蠢呀，就有個人係咁蠢，呢個人就係蔣幹。
 咁蔣幹返去報告曹操聽。嘩！大人，原來個蔡瑁、張允
 响周瑜個邊投降咗過我哋，詐諦訓練水兵，而家又話點點
 點，準備作反啦，有封書信，我偷到返嚟。
 好啦，話說蔣幹回稟曹操，話雖則不曾說服周瑜歸順，但
 揭發水軍都督蔡瑁與張允二人通敵呀，也算係功勞一件嘍，
 嘿嘿！曹操接信一睇，勃然大怒，立即喚出二人，不
 加審問，借故將之斬首。
 吓，呢個蔡瑁、張允究竟是誰呢？
 【流水】佢哋二人原是荊州二降將，
 【中板】背主求榮，獻荊襄。
 朝秦暮楚非好漢，不忠不義定招亡。
 來到曹營，為曹操教習水戰喇，進退浮沉，訓練有方。
 曹操一時心急，斬罷了二人，（白：諗清楚，哎呀！）
 誰知上當啦，呢個曹操智計，亦非尋常。
 細想幾事，密函豈容比你蔣幹偷看，
 怪我一時失察，錯主張。
 唏！你呢個蠱蟲、師爺、蔣幹，哼，並不係能幹，
 今次反被周郎用計，使我殺了蔡、張郎。
 慘啦，我曹軍今後水軍係無主將，
 我啲的健兒，只慣陸地使馬上槍。
 佢哋素畏翻波呢和逐浪，【慢板】難逐浪，

赤壁風雲〔唐健垣唱〕(錄音：唐健垣 南音 2 火燒赤壁 CD)

曲詞及叮板譜由「南音欣賞網」(<http://naamyam.tsuenhead.org>)提供，未經演唱者過目，內容可能會有錯漏。

只怕東吳海上囉，今後獨稱：強 8 【腔】 【靜收】
（白：哈哈，曹操慘喇，殺咗個水軍呀。）

（白：好啦，今次講孔明借東風啦。）

【十版南音版面】（白：常言道兵不厭詐，究竟勝者為誰呢？兩軍對壘呀，奇謀迭出，甲營有乙營之心腹，乙營有甲營之耳目呀。
周瑜就毒打佢嘅謀臣黃蓋，叫佢詐諦比我打完頂住條氣，帶啲兵、帶啲艇仔拉糧食去投降比曹操，其實呢就暗藏柴火，準備火燒。
咁個蔣幹重探東吳呀，陷圈套中，就引薦阿龐統又話嚟投降嘞，鳳雛巧獻連環計，就孔明借箭顯奇能呀。
正是爾虞我詐防真偽，勾心鬥角弄玄虛，究竟誰個棋高一著，請再聽下文呀！）

【慢板】寒雲凍，冷霜濃 8

曹軍不慣波濤湧，周瑜反間，獻計：害阿曹公：

個個降將，名字呢，係叫做龐統，

佢連環獻策 叫曹操鎖艦 8

【地水無限序】（白：喂阿曹大人呀，啲船驚住繼續會比啲風吹走㗎嗎，你將所有一百隻船，搵啲鐵鍊鎖住，就唔會飛走啦，咁啲軍士係上面行路又唔會暈浪啦，咁多隻船綁埋一隻大船，上面鋪咗板。
有人話唔得嘞，一火燒起嚟，一百隻船燒晒。龐統又亂噏唏，而家冬天呀，吹北風呀嗎，敵軍响東邊，何來東風，唔會燒到過嚟嘅，我哋自己小心啲咪得囉。曹操話係噃，好，鎖住啲船。）

【稍爽中板】啲陣鐵索橫舟平浪湧，一代梟雄墮計中。

阿都督臨江窺敵勢，軍師獻計獻兵戎 8

嘩，你睇曹營，連營三百里，不若搵旗斬將，
我哋用火攻。（白：喂，有火都要有風㗎。）

x 周郎雖係有計安天下，可奈東風無力怨蒼穹 8 【腔】

L L L x
【正線南音短序】

（白：話說周瑜同佢啲謀臣想出用火攻，但係若果大火無東風呢，燒一燒佢救熄㗎，咁突然一陣北風迎面吹來，周瑜一諗，我有計用火，無計借風，成日都係啲北風，激死我啦。嘩，當堂腦充血。哦：，血湧心頭。話說周瑜大叫一聲，血湧心頭，昏倒於地，不醒人事。卻為何故呢？）

L L L x
【乙反南音短序】

、L
【慢板乙反南音】將軍抱病心沉痛，
x、、L x、、
有良謀火計，唯是無東風：。

x L x L x L
吓個陣諸葛孔明，詐諦殷勤來問病，（白：嚟到啦嗎。）

x L x L x L
咁就請問、請問都督，何事病損顏容 8（白：點解病呀）

x、、L x、、L x、、L
哦，多謝你關懷，誠感動，我六脈：失調，係氣不通：。

x、、L
【中板】哦，將軍心病，你須將心藥用，

x、、L
我有良方一紙贈英雄 8

（白：咁就於是乎，吓！你有藥㗎，有咩特效藥呀，周瑜話。

我都諗到一樣藥嘅，不過無啫。咁你又寫，嗱我又寫，睇我寫比你睇睇吓，孔明話。

吓我哋諗嘅藥係咪一齊啦。一人拎枝毛筆喺手心寫，你咪
 以為一個寫十靈丹，一個保濟丸嘢。
 孔明一寫，寫個火字，側邊寫個風字、東風。
 周瑜又係寫個火字，寫東風，兩個伸掌一睇。
 唉！撫掌大笑，兩個計謀一樣，真係英雄豪傑，但係有火
 何得有東風呢。
 吓，咁樣係嗎，孔明話，咁樣啦，你聽我講吧。）
 【中板】我哋欲借火神為己用，萬事目前係俱全，欠東風。
 （白：不過唔使怕。吓，唔怕！）
 嗰陣周瑜一聽心頭動，
 請問諸葛先生有何係妙計，遣祝融。
 （白：哦，阿孔明話，）
 我曾得異人，將天書贈送嘅，
 所以我奇門遁甲、嗰啲特異功能，我略具神通。
 好啦待我去、去南屏山下把風吹動，七星壇上拜蒼穹。
 【地水無限序】（白：吓，你會借風咁好嘢。
 好，等你借咗返嚟，我乘機一借咗風燒咗，我就搵人殺咗
 你孔明，咁以後劉備嗰度無謀臣呀嗎，好呀。）
 嗰陣都督此時殺機動，鳴，暗裏安排冷弓箭，與強弓。
 你個孔明就係我心腹之患眸中刺，
 試問一山兩虎呢，怎能容。
 阿劉備佢得人得天下，

徐、丁二將率兵勇，準備殺個諸葛孔明，
 窺天測地憑妙算，遣鬼差神告大功呢。
 哎呀，東風動，氣聚東南雨更濃。
 嗶啲旗幟向西北風轉動啦，
 月隱星藏天戶閉，三更時分起狂風。（白：睇吓，嘩！）
 雷師電母雲中會，兩伯風姨霧裏逢。
 山雨欲來雁過空呢。
 忽然見到，【流水】見有陰霾四合江河湧，
 時值歲寒北風送，滿山霜葉，已殘紅。
 通曉陰陽原係學問，阿孔明佢嘅學問，洞悉乾坤造化工。
 披髮焚香朝天頌，佢話請來青帝派啲天將，助祝融。
 西方拜白虎，南朱雀，嗶陣孔明作法，佢話借東風。
 【中板】嗶陣七星壇上，八卦門中。左為玄武，右青龍。
 【正線南音短序】（白：好啦，孔明作法啦嗎。）
 等待東風一起呢，咁就誅殺臥龍呀：
 【慢板】喂，你哋埋伏在台左近，
 嗶陣周都督，暗囑徐盛呢，和丁奉，和丁奉，
 等我除咗你呢個諸葛，佢就夢成空。

赤壁風雲〔唐健垣唱〕(錄音：唐健垣 南音 2 火燒赤壁 CD)

曲詞及叮板譜由「南音欣賞網」(<http://naamyam.tsuenhead.org>) 提供，未經演唱者過目，內容可能會有錯漏。

(白：唏，咦，嘩！) 登壇一看，不見了臥龍。【靜收】

(白：兩下唔見咗！東風、東風一起，嗰面準備燒架啦，孔明喺邊呢？啊，有把梯，祭壇後邊走咗。啟稟將軍，有人睇見，孔明剛才落咗台後面，岸邊駕舟而去。

哎呀，咁點殺佢！這一驚非同少可。追去江邊！)

嗰陣趕到江心，帆影動，只見孔明輕搖羽扇坐船中。
喂！叫句軍師，(白：唔好開船住呀。) 你且留步，都督有令請相從。⁸

【慢板】嗰陣諸葛孔明拈鬚笑，

(白：吓，我唔嚟啦。)

我要返回江夏，助主公：。【靜收】

(白：我有咁笨咩，東風起就燒咗連環船，重唔殺我，我幾大整定把梯响度。)

【中板】寄語周瑜將軍請佢多珍重，他朝山水有相逢。⁸

(白：哎呀，慘喇！)

【流水】嗰陣急壞徐盛和丁奉，佢哋連忙搭箭又彎弓呢。

(白：想話射死個孔明喇喎。)

點知船頭出現一個虎將，(白：嘩，七尺四寸高。)

乃是常山猛將趙子龍。⁸ 【靜收】

(白：嘿！趙雲在此船上，邊個敢射箭過嚟，誰敢莽動！
 喺，比啲箭法你睇。你準備射我個孔明呀喺，我依家射你
 個隻船第三條繩。嘿！
 嘩！呢個趙雲真厲害，磨利個箭鋒，一射過去，當堂將追
 來個隻船個條繩都射斷喎。
 咁先至無人敢追嚟呀嗎。嘿，趙雲就鬧啦噃。)

X 我奉命在此，把軍師護送，早悉到周瑜窄心胸。
 X 若果你哋知機忙退後，免傷和氣，息兵戎。
 X 趙雲佢就一箭射繩顯神勇，吳舟索斷，橫擺江中。
 X 嚇得啲吳兵心惶恐，**【慢板】**唯目送，**【箏撥流水聲】**
 X 任他乘風破浪囉，孔明去從呀：容₈**【腔】**
 L L L X **【正線尾序】**

（白：好啦，個面東風起呢自然就有人引的船仔，載住啲柴呀油呀咁盛，準備靜雞雞就詐諦話送啲糧食比曹操呢，就燒佢個百隻大船啲啦。個曹操重唔知道，重响船上大排筵席。船上點大排筵席呢，兵船就梗係巨型啲嗎，主將呢就更巨，兩三隻船上舖晒平板，咁就好似一個咁啦。咁佢一睇，嘩！咁多人受我統領，嘿，轉眼我哋一陣風流名成，攻過去。咁佢就諗吓，我係文武全才啲嚟。人來，拎支長戟過嚟，舞得幾舞，又要作首詩，首詩認真不吉利囉，佢話月明星稀，烏鵲南飛，喻埋啲咁嘅嘢，烏鴉就不吉利嘢，烏乜嘢鵲南飛呀，唉！）

【乙反南音短序】

【慢板乙反南音】清風明月，萬里蒼茫 8

曹瞞今夜 醉酒當歌：

自命 乃係雄才 得天助，

我文臣棋布，武將星羅 8 【高短腔】

【地水無限序】

【中板】叱吒風雲試問誰似我，我南征北戰慣干戈。

等我橫槊賦詩驚四座，

哼，我匡扶帝業呀，其實我意在山河 8

嘿！烏鵲南飛無樹躲，鹿鳴於野感悲歌。

（白：作埋啲咁嘅詩真係弊咯。）

詩中隱帶不祥句、不祥句、水流嗚咽伴吟哦⁸【靜收】

（白：唉！曹操一時高興，月明星稀，烏鵲南飛，真係不吉到極，呢啲咁嘅風景描寫嚟做乜呀。當下有大臣就話，哎呀！呀，大人大人，呢首詩唔係幾吉利嚟，點點。咩唔吉利呀？就咁咁咁。嘿！咪嘈、咪嘈，比酒佢飲，坐埋一邊。都唔聽勸，無辦法啦。唉，大家就認為：）

詩中不利，帶有不祥句，流水嗚咽伴吟哦⁸

有一個劉馥不合，指出其中錯，（白：嘩！要殺頭添呀。）喪命皆由口舌多呢。

敢捋虎鬚招奇禍，你哋知唔知道，

呢個曹操，本是活閻羅⁸【短腔】

【乙反南音雙序】（白：有個謀臣曾對曹操講，丞相，你用龐統之計，鐵索連舟，雖有制敵與平浪之功呀，但可知一燒起嚟不得了呀，有其利必有其害嚟。曹操梗係唔中意聽啲嗎。）

【中板】唉，枉有艨艟，大人你連鐵鎖，丞相大人你因何，信阿鳳雛呢。倘若吳兵偷來縱火，嗰陣我哋大軍，難免燒死，受災磨⁸

（白：嗰陣曹操就笑啦嚟。）

呢個梟雄豈是無能輩，聞言當下佢就笑呵呵。

(白：唔怕燒嘅。)
 若無東風呀難縱火，我曹操得到天時地利，與人和、
 x
 (白：嘿嘿！大家唯有話啦，丞相言之有理呀。)
 豈有引火自焚，鑄成大錯，(白：唔怕嘅。)
 x
 丞相你果然、果係見識多。
 x
 嗰陣曹操喜功，不喜聽過，未知火燒赤壁，到底如何、
 x
 8

【靜收】

（白：話說個孔明借咗東風一起，黃蓋呢又詐諦過嚟投降呀，率領一隊小船，詐諦話載住啲糧草。糧草就好重㗎，啲船就咁輕，原來其實全部係柴同啲乾草嚟嘅，又話嚟投降，送啲米比曹操，向曹營進發，其實船上滿載硫磺硝石易燃之物。此人報信曹操，話周瑜打我，唉，唔鍾意我，所以我呢嚟投降，暗盜東吳軍糧前來獻降。曹操一聽見，正欲叫佢埋嚟啦，駛埋嚟，接上船。咁又有一個謀臣程昱佢响側邊就阻諫，喂！小心有詐嘍。吓，有咩詐？丞相呀：）

【中板】個周瑜素稱多智，黃蓋素忠心。

我未信東吳老將，會背叛個主人。
你切莫比佢小舟來接近，投誠須辨偽和真。

（白：喺，諗吓啦。）

若有千担軍糧，個隻船必穩㗎，
你睇佢輕舟如箭，在江上滑行。
此時正在東風緊，果然吹開曹操活竅心。

（白：好，等我派人查吓先。）

咁佢派遣阿文聘催舟來動問，（白：嘩，都未曾問啫！）
誰知一響响箭，（白：呼！）發自詐降人。

（白：蓬彭！蓬彭！噹噹噹！）

【乙反】鬼神驚怒，月黑風高：。

燒到長江盡赤，血飽鯨鯨⁸。

天上兀鳥盤旋，屍填野路，正是一將功成萬骨枯：。

多少陌頭少婦，思夫嘅傷春婦，多少倚閨白髮盼兒曹⁸。

（白：燒死晒咯！）

【中板】唉！由來征戰多殘暴，蒸民蟻命，總係無辜。

莫非天心未曉人間苦，人間苦，【慢板】蒼生何罪呀，

呀：，【拋舟腔】蒼生何罪呢，平民慘受煎熬⁸【短腔】

【乙反南音單序】

【中板】唉，赤壁風雲傳千古，長江萬代，都係水滔滔。

何日世間無疾苦，【慢板】地球皆樂土，

但願欣逢堯舜，堯舜治版圖⁸【中腔】

【乙反南音短序】